



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01_____/15
Datum: _____2015. godine

PRIJEDLOG

Na osnovu člana 32. stav (2) Zakona o Pravobranilaštvu ("Službene novine ZDK" broj 12/13) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj ___ sjednici održanoj dana _____2015. godine

O D L U K U
o osnivanju Općinskog pravobranilaštva Općine Tešanj

Član 1.

Ovom odlukom osniva se Općinsko pravobranilaštvo Općine Tešanj, sa sjedištem Trg Alije Izetbegovića broj 11 u zgradi Općine Tešanj.

Član 2.

Poslove Općinskog pravobranilaštva obavlja Općinski pravobranioc i zamjenik općinskog pravobranioca u skladu sa zakonskim i drugim ovlaštenjima.
Sredstva za rad Općinskog pravobranilaštva osigurati će se Budžetom Općine Tešanj.

Član 3.

Do primjene ove odluke zadužuje se Općinski praobranilac da uskladi interni pravilnik, pečat i druga obilježja, te poduzme sve radnje za primjenu ove Odluke, a shodno Zakonu o pravobranilaštvu ZDK.

Član 4.

Primjenom ove odluke stavlja se van snage Odluka o osnivanju zajedničkog Općinskog pravobranilaštva Općina Tešanj i Doboj Jug broj 01-08-9-130/09 od 30.01.2009. godine ("Službeni glasnik Općine Tešanj" broj 1/09).

Član 5.

Ova odluka stupa na snagu narednog dana od dana objavljivanja u „Službenom glasniku Općine Tešanj“, a primjenjuje se od 20.04.2015. godine.

PREDSJEDAVAJUĆI VIJEĆA
Senad N. Subašić dipl. ekonomista

OBRAZLOŽENJE

PRAVNI OSNOV ZA DONOŠENJE

- član 32. stav (2) Zakona o Pravobranilaštvu (“Službene novine ZDK” broj 12/13),
- član 14. Statuta Općine Tešanj (“Službeni glasnik Općine Tešanj” broj 11/07).

RAZLOZI ZA DONOŠENJE

Općina Tešanj je formirala Općinsko pravobranilaštvo kao jedinstven i samostalan organ Općine Tešanj, ali zbog ukazane potrebe Općine Doboj Jug, Općinsko vijeće Tešanj je 30.01.2009. godine donijelo Odluku o osinivanju zajedničkog Općinskog pravobranilaštva Općine Tešanj i Doboj Jug sa sjedištem u Tešnju.

U toku rada Općinskog pravobranilaštva mijenjao se intezitet poslova, a kako su u toku imovinsko-pravni postupci u vezi projekata koje je pokrenula Općina Tešanj, došlo je do povećanja obima posla, te zbog korektnijeg i kvalitetnijeg obavljanja poslova, predlaže se Općinskom vijeću donošenje odluke o osnivanju jedinstvenog Općinskog pravobranilaštva Općine Tešanj. U vezi poduzetih radnji Općine Tešanj, upućena je informacija Općini Doboj Jug, a ukoliko Općinsko vijeća Tešanj usvoji predloženu Odluku, ista će se dostaviti Općini Doboj Jug.

U skladu sa članom 42. stav (5) Zakona o pravobranilaštvu, obavještavamo Općinsko vijeće Tešanj da će se nakon što bude usvojena i primjenjiva Odluka o osnivanju jedinstvenog pravobranilaštva, pokrenuti postupak za imenovanja novog Općinskog pravobranioca, a zbog prestanka radnog odnosa i odlaska u penziju Općinskog pravobranioca Nedžade Agić. U vezi sa navedenim Općinski načelnik će pokrenuti konkursnu proceduru, formirati komisiju za izbor i poduzeti sve potrebne radnje, te će se Općinskom vijeću dostaviti informacija o poduzetim radnjama, kao i prijedlog odluke/rješenja o imenovanju Općinskog pravobranioca.

Dostavljeno:

1. Naslov
2. Arhiva

OBRADIVAČ

Služba za boračko-invalidsku
zaštitu i opću upravu

Sabahudin Omerbašić, profesor

PREDLAGAČ

OPĆINSKI NAČELNIK

Mr.sc. Suad Huskić, profesor

Broj: 02-02-1-651/15

Datum: 23.03.2015. godine